


Stap 2: Notifica AO

Ora un trahado den sector priva (cu cual compania no ta traha cu Webportaal) ta sinti malo, ta bay haci operacion of a haya un accident di trabao, mester notifica AO na e doño di trabao y na SVb.

1. Na prome luga mester log in riba e portal na <https://ao.svbaruba.org>.


E cuenta mester ta verifica pa por notifica AO.



2. Ta wak e screen unda por notifica AO. Orario pa notifica AO Online ta:

- Dialuna pa diabierna di 7:00 AM - 3:00 PM

- Weekend, ATV y dianan di fiesta di 7:00 AM pa 9:00 AM



3. Primi e boton Meld AO.

Meld AO

4. Siguiete screen ta confirma cu a lesa y ta di acuerdo cu e procedura y reglanan di notifica AO Online.

Meld AO

✕ Cancela

1. Ora cu a registra mester a duna tur informacion corecto.

2. Si ta bay traha prome of riba e di tres dia cu a notifica AO no ta tuma contacto mas cu SVb. Por indica cu a bay traha bek riba AO Online.

3. Si ta sigui malo riba e di 3 dia desde cu a notifica AO mester ricibi consulta telefonico di dokter di SVb:

- Ta yama SVb Administracion Medico n: 730 entre 7:00 AM cu 9:00 AM, di dialuna pa diabierna. No por yama ningun otro number di telefon!

- Si a notifica AO Online por pidi e consulta via e sistema di AO Online, di dialuna pa diabierna te cu 9:00 AM.

4. Ora yama 527-2730 of pidi consulta riba AO Online mester:

- Duna un number di telefon valido pa SVb yama bek mesun dia.

- Ta pendiente pa ricibi yamada riba e telefon mesun dia.

- Den caso cu SVb yama bek y no ta haya contesta e dia di AO no ta wordo aproba.

5. Ora dokter di SVb yama bek pa consulta mester sigui e instruccion duna, cual por ta:

- Ricibi fecha pa bay traha bek (fecha AG).

- Ricibi afspraak pa control medico, sea en persona na SVb of via telefon.


6. Si ta sigui malo riba e fecha cu ta poni pa bay traha bek mester notifica SVb e mesun dia entre 7:00 AM cu 9:00 AM, via telefon 527-2730 of via AO Online.

Mi ta di acuerdo cu e reglanan menciona ariba

Sigui

5. Siguiete screen ta mostra e procedura y reglanan atrobe. Abao ta yena pa cual doño(nan) di trabao ta notifica AO, cualnan ta e orario di trabao y e motibo di AO. Na e motibo por scoge entre:

- Malo
- Operacion
- Accident di trabao

Tambe ta yena e motibo/otro detaye si mester. Depende cua ta scoge e instruccion ta adapta na esaki. Si ta desea por yena un comentario adicional. Pa finalisa e notificacion primi e boton Save. 

Scoge compania

✓ Serlimar

Start ora: 8:00am

Stop ora: 5:00pm


Motibo: Mi ta malo

Motibo details: Scoge

Tene cuenta cu e siguiente instruccioannan di SVb:

1. Si ta sigui malo riba e di 3 dia desde cu a notifica AO mester ricibi consulta telefonico di dokter di SVb. Mester notifica SVb entre 7:00 AM cu 9:00 AM (di dialuna pa diabierna), via telefon 527-2730 of via AO Online.
2. Ora ta pidi consulta mester duna un number di telefon valido pa SVb yama bek mesun dia. Den caso cu SVb yama bek y no ta haya contesta e dia di AO no ta wordo aproba.
3. Ora dokter di SVb yama bek pa consulta mester sigui e instruccion duna, cual por ta cu ta ricibi fecha pa bay traha bek (fecha AG), of ta ricibi afspraak pa control medico, sea en persona na SVb of via telefon.
4. Si ta sigui malo riba e fecha cu ta poni pa bay traha bek mester notifica SVb e mesun dia entre 7:00 AM cu 9:00 AM, via telefon 527-2730 of via AO Online.

Comment:



6. Despues di primi save e notificacion ta bay pa SVb y e sistema ta manda un email bek cu e notificacion a bay. Na e momento aki e notificacion no ta administra ainda.
7. Ora SVb a controla y administra e notificacion, esaki ta aparece riba e portal confirmando cu e notificacion a ser administra pa SVb. Tambe e sistema ta manda un email adicional cu ta confirma esaki. E doño di trabao tambe awo ta ricibi un email cu e confirmacion. (Pa clarifica: e doño di trabao ta ricibi solamente e fecha di notificacion. E sistema no ta manda ningun otro informacion tocante e motibo di malesa, operacion of accident).